

*mouendis affectibus tractat, conferrem. His adiūxi lectionem Rhetoricæ Ecclesiasticæ Ludouici Granatensis Monachi Dominicani, eloquentis aliās & docti: consului & Didaci Stelle, itemque Iacobi Percii, & nonnullorum aliorum Pontificiorum de eodem argumento editos libros. Dum tandem ante annos circiter tres amicus quidam meus communicaret mecum manuscriptum libellum, in quo consignata erant præcepta quadam & regulæ, atque obseruationes ad concionandi præxin pertinentes, quas olim Clarissimus ille Chronologus & concionator Silesiæ eloquentissimus ac mirè patheticus Abrahamus Bucholcerus dictârat amanuensi suo, tumultuariè quidem & nullo ordine aut methodo & stylo etiam partim vernaculo, partim Latino, prout quidlibet prius vel posterius in mentem venerat; sed tamen ita ad docendum & mouendum sæpe utiles atque accommodatas, ut eas putarim imprimis ad usum meum obseruandas; & quæ ille dispersim, & paucis notârat, in certos titulos ac locos communes referenda. Cum ergo eiusmodi qualemcunque apparatus penes me esse comperissent aliquot Theologiæ studiosi, sacri ministerii candidati, cœperunt instare, ut præcepta*

*Rhe-*